

## REGLUGERÐ FRAMKVÆMDASTJÓRNARINNAR (EB) nr. 1915/2003

2011/EES/68/44

frá 30. október 2003

um breytingu á VII., VIII. og IX. viðauka við reglugerð Evrópuþingsins og ráðsins (EB) nr. 999/2001 að því er varðar viðskipti með og innflutning á sauðfé og geitum og ráðstafanir í kjölfar þess að smitandi heilahrörnun hefur verið staðfest í nautgripum, sauðfé og geitum (\*)

FRAMKVÆMDASTJÓRN EVRÓPUBANDALAGANNA HEFUR,

með hliðsjón af stofnsáttmála Evrópubandalagsins,

með hliðsjón af reglugerð Evrópuþingsins og ráðsins (EB) nr. 999/2001 frá 22. maí 2001 um setningu reglna um forvarnir gegn, eftirlit með og útrýmingu tiltekinna tegunda smitandi heilahrönnunar <sup>(1)</sup>, eins og henni var síðast breytt með reglugerð framkvæmdastjórnarinnar (EB) nr. 1234/2003 <sup>(2)</sup>, einkum 23. gr.,

og að teknu tilliti til eftirfarandi:

1) Í reglugerð (EB) nr. 999/2001 er mælt fyrir um reglur um forvarnir gegn, eftirlit með og útrýmingu smitandi heilahrönnunarsjúkdóma í nautgripum, sauðfé og geitum.

Í 1. mgr. 13. gr. og VII. viðauka við þá reglugerð er kveðið á um tilteknar ráðstafanir sem beita skal eins fljótt og auðið er eftir staðfestingu á smitandi heilahrönnun. Búist er við að framkvæmd tiltekinna þátta þessara ráðstafana muni verða vandkvæðum háð.

2) Að því er varðar sauðfé og geitur skulu reglur um rakningu afkvæma, í kjölfar staðfestingar á smitandi heilahrönnun, takmarkast við staðfest tilvik í kvendýrum vegna örðugleika í framkvæmd og óvissu um ávinninginn af því að rekja afkvæmi smitaðra karldýra.

3) Að því er varðar nautgripi er í reglugerð (EB) nr. 999/2001 mælt fyrir um að í staðfestum kúariðutilvikum skuli aflífa öll dýr sem tilheyra sama aldurshópi og nautgripirnir sem eru með kúariðu og eyða þeim algerlega.

4) Á aðalfundi sínum í maí 2003 ákvað Alþjóðadýraheilbrigðisstofnunin að halda megi dýrum í sama aldurshópi og nautgripir með kúariðu á lífi þangað til afurðaskeiði þeirra lýkur, að því tilskildu að þeim sé eytt algerlega eftir dauða þeirra.

5) Samkvæmt dýraheilbrigðisreglum Alþjóðadýraheilbrigðisstofnunarinnar er ekki nauðsynlegt að takmarka notkun á nautgripasæði vegna kúariðu. Í álitinu sínu frá 18. og 19. mars 1999 um hugsanlegt kúariðusmit milli kynslóða, sem var uppfært 16. maí 2002, komst vísindastýrningurinn að þeirri niðurstöðu að það sé ólíklegt að nautgripasæði sé áhættuþáttur vegna smits á kúariðu.

6) Þar að auki eru naut á sæðissöfnunarstöðvum undir opinberu eftirliti sem gerir það kleift að tryggja að þeim sé eytt algerlega eftir dauða þeirra.

7) Skilyrði fyrir því að afnema takmarkanir á sauðfjárþúum, þar sem smitandi heilahrönnun hefur greinst, skulu rýmkuð þegar þau eru framkvæmd ásamt þéttri vöktun vegna smitandi heilahrönnunar. Breyta skal reglunum um endurnýjun stofna með geitum af bújörðum með blönduðum búskap til samræmis við það.

8) Leyfa skal flutning á ám, sem hafa myndað nokkurt þol (e. semi-resistant), á milli bújarða sem sæta takmörkunum til að minnka ákveðna svæðisbundna erfiðleika við að finna hentug dýr í staðinn fyrir sýktar hjarðir.

9) Til að auðvelda umskiptin yfir í nýju reglurnar skal framlengja tímabilið þegar veiting undanþágu vegna eyðingar tiltekinna dýra skal leyfð hjá fjárkynjum eða á bújörðum, þar sem lítið er um ARR-genasamsætuna, úr tveimur í þrjú undaneldisár.

10) Í VIII. og IX. viðauka við reglugerð (EB) nr. 999/2001 er kveðið á um skilyrði fyrir viðskiptum með og innflutningi á sauðfé og geitum til undaneldis. Þessi skilyrði þarf að skýra nánar.

11) Því ber að breyta reglugerð (EB) nr. 999/2001 til samræmis við það.

12) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um matvælaferlið og heilbrigði dýra.

SAMBÝKKT REGLUGERÐ ÞESSA:

1. gr.

Ákvæðum VII., VIII. og XI. viðauka við reglugerð (EB) nr. 999/2001 er breytt í samræmi við viðaukann við þessa reglugerð.

2. gr.

Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.

(\*) Þessi EB-gerð birtist í Stj. L 283, 31.10.2003, bls. 29. Hennar var getið í ákvörðun sameiginlegu EES-nefndarinnar nr. 42/2006 frá 28. apríl 2006 um breytingu á I. viðauka (Heilbrigði dýra og plantna) við EES-samninginn, sjá *EES-viðbætur við Stjórnartíðindi Evrópusambandsins* nr. 34, 29.6.2006, bls. 1.

(<sup>1</sup>) Stj. L 147, 31.5.2001, bls. 1.

(<sup>2</sup>) Stj. L 173, 11.7.2003, bls. 6.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 30.október 2003.

*Fyrir hönd framkvæmdastjórnarinnar,*

David BYRNE

*framkvæmdastjóri.*

  

---

## VIÐAUKI

Ákvæðum VII., VIII. og XI viðauka er breytt sem hér segir:

1. Í stað VII. viðauka komi eftirfarandi:

„VII. VIÐAUKI

**ÚTRÝMING SMITANDI HEILAHRÖRNUNAR**

1. Í rannsókninni, sem um getur í b-lið 1. mgr. 13. gr., skal tilgreina:

a) þegar um er að ræða nautgripi:

- öll önnur jörturdýr á sömu bújörð og dýrið sem staðfest er að sé með sjúkdóminn,
- ef sjúkdómurinn var staðfestur í kú, afkvæmi sem hún hefur borið innan við tveimur árum fyrir eða eftir þann tíma sem fyrstu klínisku einkennum sjúkdómsins komu í ljós,
- öll dýr í sama aldurshópi og dýrið sem staðfest var að væri með sjúkdóminn,
- hugsanlegan uppruna sjúkdómsins,
- önnur dýr á sömu bújörð og dýrið sem staðfest var að væri með sjúkdóminn eða á öðrum bújörðum sem kunna að hafa sýkst af smitefni smitandi heilahrönnunar eða fengið sama fóður eða komist í snertingu við sama smitvald,
- flutninga á fódri eða öðru efni, sem kann að hafa verið mengað, eða allar aðrar smitleiðir sem smitefni smitandi heilahrönnunar hefur getað borist eftir til eða frá viðkomandi bújörð,

b) þegar um er að ræða sauðfé og geitur:

- öll jörturdýr, nema sauðfé og geitur, á sömu bújörð og dýrið sem staðfest var að væri með sjúkdóminn,
- að svo miklu leyti sem unnt er að hafa uppi á þeim: foreldra og, þegar um er að ræða kvendýr, alla fósturvísu, egg og síðasta afkvæmi dýrsins sem staðfest var að væri með sjúkdóminn,
- allt annað sauðfé og allar geitur á sömu bújörð og dýrið sem staðfest var að væri með sjúkdóminn, auk þeirra sem getið er í öðrum undirlið,
- hugsanlegan uppruna sjúkdómsins og aðrar bújarðir þar sem eru dýr, fósturvísar eða egg sem kunna að hafa sýkst af smitefni smitandi heilahrönnunar eða fengið sama fóður eða komist í snertingu við sama mengunarvald,
- flutninga á fódri eða öðru efni sem kann að hafa verið mengað eða allar aðrar smitleiðir sem smitefni smitandi heilahrönnunar hefur getað borist eftir til eða frá viðkomandi bújörð.

2. Ráðstafanirnar, sem mælt er fyrir um í c-lið 1. mgr. 13. gr., skulu a.m.k. ná yfir:

a) ef kúariða í nautgrip hefur verið staðfest: aflifun og algera eyðingu nautgripa sem voru tilgreindir í rannsókninni sem um getur í fyrsta, öðrum og þriðja undirliði a-liðar í 1. lið; þó getur aðildarríkið ákveðið:

- að aflífa ekki og eyða öllum nautgripum á sömu bújörð og dýrið sem staðfest var að væri með sjúkdóminn eins og um getur í fyrsta undirliði a-liðar 1. liðar allt eftir faraldsfræðilegum aðstæðum og rekjanleika dýra á þeirri bújörð,
- að fresta aflifun og eyðingu dýra í þeim aldurshópi sem um getur í þriðja undirliði a-liðar í 1. lið þangað til afurðaskeiði þeirra lýkur, að því tilskildu að um sé að ræða naut sem er haldið samfelld á sæðingarstöð og að unnt sé að tryggja að þeim verði eytt algerlega eftir dauða þeirra,

b) í þeim tilvikum þar sem smitandi heilahrönnun hefur verið staðfest í sauðfé eða geitum frá 1. október 2003 samkvæmt ákvörðun lögbærs yfirvalds:

- i. annaðhvort aflifun og algera eyðingu allra dýra, fósturvísu og eggja, sem voru tilgreind í rannsókninni sem um getur í öðrum og þriðja undirliði b-liðar í 1. lið., eða
- ii. aflifun og algera eyðingu allra dýra, fósturvísu og eggja, sem voru tilgreind í rannsókninni sem um getur í öðrum og þriðja undirliði b-liðar í 1. lið, að frátöldu eftirfarandi:
  - undaneldishrútum af arfgerð ARR/ARR,
  - ám til undaneldis sem eru með a.m.k. eina ARR-genasamsætu og enga VRQ-genasamsætu og
  - sauðfé, sem einungis er ætlað til slárunar og er með a.m.k. eina ARR-genasamsætu,

iii. ef sýkta dýrið er aðkomið frá annarri bújörð getur aðildarríki ákveðið, á grundvelli sögu tilviksins, að beita niðurskurðarráðstöfunum á upprunabújörðinni til viðbótar við eða í staðinn fyrir bújörðina þar sem sýkingin var staðfest. Ef um er að ræða land sem er notað sem sameiginlegt beitaland fyrir fleiri en einn hóp geta aðildarríkin ákveðið að takmarka beitingu þessara ráðstafana við einn hóp, byggt á rökstuddri athugun á öllum faraldsfræðilegu þáttunum,

c) ef kúariða í kind eða geit hefur verið staðfest, aflifun og algera eyðingu allra dýra, fósturvísu og eggja sem voru tilgreind í rannsókninni sem um getur í öðrum til fimmta undirliði b-liðar 1. liðar.

- 3.1. Einungis er heimilt að fara með eftirfarandi dýr á bújörðina eða bújarðirnar þar sem eyðing hefur átt sér stað í samræmi við i. eða ii. lið b-liðar í 2. lið:
- karldýr sauðkindar af arfgerðinni ARR/ARR,
  - ær sem eru með a.m.k. eina ARR-genasamsætu en enga VRQ-genasamsætu,
  - geitur, að því tilskildu:
    - að ekkert sauðfé til undaneldis, annað en það sem um getur í a- og b-lið, sé á bújörðinni,
    - að gagnger hreinsun og sóttgreinsun allra gripahúsa á staðnum hafi farið fram eftir að stofninn hefur verið skorinn niður,
    - bújörðin skal vera undir aukinni vöktun vegna smitandi heilahrönnunar, þ.m.t. prófanir á öllum geitum eldri en 18 mánaða sem hefur verið lógað eða orðið sjálfdauðar á býli.
- 3.2. Einungis er heimilt að nota eftirfarandi sæði og fösturvísa úr sauðfé á bújörðinni eða bújörðunum þar sem eyðing hefur átt sér stað í samræmi við i. eða ii. lið b-liðar í 2. lið:
- sæði úr hrútum af arfgerðinni ARR/ARR,
  - fösturvísa, sem eru með a.m.k. eina ARR-genasamsætu en enga VRQ-genasamsætu.
4. Á umbreytingartímabilinu, sem varir til 1. janúar 2006 í síðasta lagi, og þrátt fyrir takmarkanirnar sem settar eru fram í b-lið í lið 3.1, ef erfið er að fá sauðfé með þekktar arfgerð, mega aðildarríkin heimila að gimbrar af óþekktari arfgerð sem ekki eru með fangi komi inn á bújarðirnar eins og um getur í i. og ii. lið b-liðar í 2. lið.
5. Eftir að þeim ráðstöfunum, sem um getur í i. og ii. lið b-liðar í 2. lið, hefur verið beitt á bújörð:
- skal flutningur sauðfjár af arfgerðinni ARR/ARR frá bújörðinni ekki sæta neinum takmörkunum,
  - má einungis flytja sauðfé, sem aðeins er með eina ARR-genasamsætu, af bújörðinni beint til slátrunar til manneldis eða til eyðingar; hinsvegar má flytja ær sem eru með eina ARR-genasamsætu og enga VRQ-genasamsætu á aðrar bújarðir sem sæta takmörkunum eftir beitingu ráðstafana í samræmi við ii. lið b-liðar í 2. lið,
  - má einungis flytja sauðfé af annarri arfgerð frá bújörð til eyðingar.
6. Takmarkanirnar, sem um getur í liðum 3.1, 3.2 og 5. lið, skulu þó gilda áfram um bújörðina í þrjú ár frá:
- þeim degi sem ARR/ARR-stöðu var komið á fyrir allt sauðfé á bújörðinni eða
  - síðasta degi, sem sauðfé eða geitur voru haldnar á athafnasvæðinu, eða
  - ef um er að ræða c-lið í lið 3.1, þeim degi sem aukin vöktun vegna smitandi heilahrönnunar hófst eða
  - þeim degi þegar allir undaneldishrútar á bújörðinni eru af arfgerðinni ARR/ARR og allar ær til undaneldis eru með a.m.k. eina ARR-genasamsætu en enga VRQ-genasamsætu, að því tilskildu að á þessu tímabili sé allt sauðfé, sem er eldra en 18 mánaða, sem hefur verið lógað og sem hefur orðið sjálfdauðt á býli, prófað með tilliti til smitandi heilahrönnunar með neikvæðum niðurstöðum.
7. Ef tíðni ARR-genasamsætu innan fjárkyns eða á bújörð er lág eða ef það er talið nauðsynlegt til þess að forðast skyldleikaræktun er aðildarríki heimilt að ákveða:
- að fresta eyðingu dýranna, eins og um getur í i. og ii. lið b-liðar í 2. lið, í allt að þrjú undaneldisár,
  - að heimila að sauðfé, annað en það sem tilgreint er í 3. lið, komi inn á bújörð, sem um getur í i. og ii. lið b-liðar í 2. lið, að því tilskildu að það sé ekki með VRQ-genasamsætu.
8. Aðildarríki, sem beita þeim undanþágum sem kveðið er á um í 4. og 7. lið, skulu gera framkvæmdastjórninni grein fyrir þeim skilyrðum og viðmiðunum sem notuð eru við veitingu þeirra.“
2. Í stað a-liðar I. hluta kafla A í VIII. viðauka komi eftirfarandi:
- „a) Sauðfé og geitur til undaneldis skulu:
- annaðhvort hafa verið haldin samfellt frá fæðingu eða næstliðin þrjú ár á bújörð eða bújörðum sem hafa fullnægt eftirtöldum kröfum í minnst þrjú ár:
    - bújörðin heyrir undir reglubundið, opinbert heilbrigðiseftirlit með dýrum og dýraafurðum,
    - dýrin eru auðkennd,
    - ekkert riðuveikilvík hefur verið staðfest,
    - á bújörðinni fer fram eftirlit með töku sýna úr gömlum kvendýrum sem á að lóga,
    - einungis er komið með kvendýr inn á bújörðina ef þau koma frá bújörð sem fullnægir sömu kröfum eða

- ii. frá 1. október 2003 vera sauðfé af prionprótínarfgerð ARR/ARR, eins og skilgreint er í I. viðauka við ákvörðun framkvæmdastjórnarinnar 2002/1003/EB (\*).

Ef ætlunin er að senda þau til aðildarríkis sem nýtur góðs af ákvæðunum, sem mælt er fyrir um í b- eða c-lið, á öllu yfirráðasvæði sínu eða hluta þess, skulu dýrin samrýmast viðbótarábyrgðunum, almennum eða sérstökum, sem hafa verið skilgreindar í samræmi við málsmeðferðina sem um getur í 2. mgr. 24. gr.

(\*) Stjórn. EB L 349, 24.12.2002, bls. 105.“

3. Í stað kafla E í IX. viðauka komi eftirfarandi:

„KAFLI E

**Innflutningur á sauðfé og geitum**

Framvísa skal dýraheilbrigðisvottorði fyrir sauðfé og geitur, sem flutt eru inn í Bandalagið eftir 1. október 2003, þar sem vottað er:

- a) að þau fæddust og voru alin frá burði á bújörðum þar sem riðuveikilvík hefur aldrei greinst og, þegar um er að ræða sauðfé og geitur til undaneldis, að þau uppfylli kröfur í i. undirlíð a-liðar I. hluta A-kafla í VIII. viðauka,
- b) eða að um er að ræða sauðfé af prionprótínarfgerð ARR/ARR, eins og skilgreint er í I. viðauka við ákvörðun framkvæmdastjórnarinnar 2002/1003/EB, sem kemur frá bújörð þar sem ekki hefur verið tilkynnt um riðuveikilvík á síðastliðnum sex mánuðum.

Ef ætlunin er að senda þau til aðildarríkis sem nýtur góðs af ákvæðunum, sem mælt er fyrir um í b- eða c-lið I. hluta kafla A í VIII. viðauka, á öllu yfirráðasvæði sínu eða hluta þess, skulu dýrin samrýmast viðbótarábyrgðunum, almennum eða sérstökum, sem hafa verið skilgreindar í samræmi við málsmeðferðina sem um getur í 2. mgr. 24. gr.“